



AJORNARTORSIORNISSAMUT SILLIMANEQ

SILLIMAGIT - ILINNUT ATAATSIMOORNERLU EQQARSAATIGALUGU

Upalungaarsimanermi ilaavutit

21. JANUAR 2026

NAALAKKERSUISUT
GOVERNMENT OF GREENLAND



ULLUT UNNUALLU TALLIMAT

Ajornartorsiortoqalissagaluarpas ulluni tallimani illit illoqatitillu immissinnut pilersorsinnaanersi Naalakkersuisunit inassutigineqarpoq.

Sillimareersimaguit aammalu ilinnut qanigisannullu isumagisinnaaguit oqartussat pisariaqartitsinerpaanut nukissatik atorsinnaassavaat, pissutsillu nalinginnaasunngoqqinnissaat sulissutigisinnaallugu. Amerlanerit imminnut isumagisinnaappata allanullu ikiuussinnaallutik inuiaqatigiittut nukittunerussaagut.

Siunnersuutit ajornanngitsut piareersaatillu iluaqutaalluarsinnaapput. Siunnersuutit taakku Naalakkersuisunit suliarineqarsimapput ajornartorsiortoqarnissaanullu illit illoqatitillu pitsaanerpaamik qanoq sillimaniarsinnaanissinnik ataatsimut naliliinermik tunngaveqarlutik.

Immaqa siunnersuutit tamaasa atornissaat pisariaqartinngisaannassavat - sillimaniarnerli pitsaasuuvog. Pisinnaasannik iliorit, eqqanniittullu ikiorlugit. Tamanna qujanartumik pikkoriffigaarput.

AJORNARTORSIORFIIT ANIGORLUAKKIT

Ajornartorsiulernerit assigiinngitsorpassuarnit peqquteqarsinnaapput. Kissakkiartornera ilutigalugu ingasattumik silarlukkajunnerulerpoq sakkortunerulerlutillu. Tamanna nittaannerulerneranik siallerneruleranillu kinguneqarsinnaavoq silalu naatsorsoruminaannerulerluni. Aammattaaq Nunatsinniit tusindinik arlalinnik kilometerinik ungasitsigisumit nunap sajorussuarnerata imaluunniit nunatsinni qaqqat sisoornerisa malitsigisaanik tassaarsuarnerniit sinerissagut eqqorneqarsinnaallutik. Teknologii mit inuillu pilersitaanniit soorlu qarasaasiatigut pinerluttuliornerit inuiaqatigiinni pingaarutilittut atorineqartunik navianartorsiortitsisinnaapput aamma teknikikkut kukkunerit ajutoornerilluunniit annertuumik kingunerlutsitsisinnaallutik. Taakku saniatigut nunani tamalaani akerleriinnerit nunallu assigiinngitsut akornanni politikikkut pissanganartorsiortitsinerit pilersuinikkut isumannaatsuunermut attaveqaasersuuteqarnermullu sunniuteqarsinnaapput, tamannalu ulluinnatsinnut kingunerlutsitsisinnaalluni.

Inuinnartut pilersuinikkut ajutoorneq amerlanertigut ajornartorsiornermi toqqaannartumik kinguneqartarpoq. Soorlu Covid-19-imik nunarsuaq tamakkerlugu nappaalanersuaqarnerani 2021-milu Nuummi kallerup innerata qaminnerani misigineqartoq ajornartoornerit ulluinnatsinnut tassanngaannartumik sunniuteqarsinnaapput nalinginnaasumik pisarnerit kiisalu tunngaviusunumik iluaqutinut periarfissat ajornarnerulersillugit.

Siunnersuutit ajornanngitsut malinnerisigut ajornartorsiulernermit illit illoqatitillu immissinnut isumagisinnaavusi. Illit illoqatitillu ulluni tallimani ilissinnut isumagisinnaanissassinnut piareersimanissarsi Naalakkersuisut inassutigaat. Tamatuma pissutsit nalinginnaasunngoqqinnissaannut upalungaarsimasut piffissaqalersipai pisariaqartitsinerpaaffiusunilu ikiuussinnaallutik.



SIUNNERSUUTIT PILLUGIT

Ajornartorsiornermi sooruna immitsinnut isumagisinnaasariaqartugut?

Illit illoqatitillu ulluni tallimani immitsinnut isumagisinnaagussi pisariaqartitsinerpaat ikiornissaat pissutsillu nalinginnaasunngorteqqinnissaannut oqartussat aallussisinnaassapput. Piareersarnej toqqissisimalersitsisarpoq naatsorsuutiginnngisamillu pisunut pitsaanerusumik sillimatitsisarlu.

Tamatumunnga periarfissaqaruit piffissamut sivisunerusumut peqqumaasersornissaq iluaqutaasinnaavoq - pingaartumik nunap ilaani navianartumi najugaqaruit imaluunniit immikkut pisariaqartitsiguit, assersuutigalugu inuunermut pingaarutilinnik nakorsaatitoruit.

Sooq ullut tallimat?

Ajornartorsiornermi ulluni tallimani imminut isumagisinnaaneq pillugu siunnersuutit Naalakkersuisunit suliarineqarsimapput. Taanna aarlerinartorsiornerit, isumannaallisaaneq sunnerneqarsinnaassuserlu pillugit naliliinernik kiisalu ajornartorsiorsinnaanerit pivusorpaluttut, taakku sivisussusaat kingunerlutsitsinnaanerilu pillugit ilisimasalinnik misissuinernek tunngaveqarpoq.

Piareersarnitit inissisimanernut naleqqussakkut

Kikkut tamarmik assigiimmik piareersarnissaminnut periarfissaqanngillat. Ilaquttat, ikinngutit sanililluunniit peqatigalugit piareersarsimaneq iluaqutaasinnaavoq, illit assersuutigalugu:

- Inissakikkuit
- Aningaasaatikikkuit
- Nikissinnaanngikkuit allatigulluunniit immikkut pisariaqartitsiguit

Ataatsimoorluni piareersarsinnaagaanni isumassarsiatsialaasinnaavoq. Assersuutigalugu ikinnguteqatigiinni, nunaqarfimmi, inissiaqatigiiffimmi assigisaaniluunniit aamma suliasat atortussallu avitseqatigiiffigalugit.

Sapinngisannik iliorit - piareersarsimannginnermiit ilaatigut piareersarsimaneq pitsaaneruvoq, eqqaamallugulu kisimiinnermiit ataatsimoorutta nukittunerussagatta!

Siunnersuutit najoqqutassiaapput

Siunnersuutit najoqqutassiatut isigineqassapput aamma inoqutigiit immikkut pisariaqartitaannut pissutsinullu naleqqussarsimasariaqarlutik.





IMISSAQ

Ulluni tallimani inummut ataatsimut ullormut imeq 3 literi


Imigassamik nerisassiornissamullu ullormut inummut ataatsimut imeq 3 literi naatsorsuutigissavat. Ullunut tallimanut imissaqassaguit inummut ataatsimut 15 literimik imissaqarnissaq qulakkiissavat.

Pinngortitami imermik minguitsumik, assersuutigalugu kuummi, periarfissaqaruit taanna aamma eqqarsaatigisassannut ilaatissinnaavat.

IMEQ SIVISUNERUSUMIK IMATUT TOQQORTAATIGISINNAAVAT

- Iermik puiaasamik pisissaatit, nillertumiitlugulu taartumiitissavat puiaasap ajortunngornissaanut ullussaa tikillugu. Imeq taarsertuassavat.
- Imeq kuutsitsivimminngaanneersoq sapinngisamik nutaajussaaq, nillertumiitikkaannili taartumiitikkaannilu qaammatini arlalinni matoqqasumiitinneqarsinnaavoq.
- Iermut puussat akuerisaasut kisiisa atussavatit atunnginnerinilu tunisassiortup ilitsersuutaat malillugit errortassallugit.
- Imeq toqqortaq aalajangersimasumik taarserneqartassaaq - assersuutigalugu naasunut imerterutigalugu kingornalu puut errorneqarlutillu immeqqinneqassapput.

NERISASSAT



Ullunut tallimanut nerisassat

- Inoqutigiinni ullunut tallimanut nerisasaqarnissaq isumagineqassaaq.
- Nerisassat nillartaatsivimmiittariaqanngitsuusariaqarput qeritsivimmiittariaqanngitsuusariaqarlu-tilluunniit uunnannagillu nerineqarsinnaassallutik.
- Nerisassat sivisuumik piusinnaasut soorlu qillertuusarmiunik, knækbrødinik, aalisakkanik neqinillu panertunik kiisalu nerisassanik allanik illoqativit ulluinnarni nerisartagaannik qinaasigit.
- Inoqutigiinni meeraaraqarpat nerisassatigulluunniit immikkut pisariaqartitsisoqarpat peqqumaatissaaq-lernissamut tamatuma isumaliutiginnissaa pingaaruteqarpoq.

Allannguissuseq

- Ataatsikkut pisiniarujussuartaariaqanngilatit - pisiniaraangavit asiujanngitsunik pisillattaarnikkut peqqumaasiviit immillattaarsinnaavat.
- Peqqumaatitit pisoqalivallaannginnerussammata atornissaat taarsertarnissaallu isumagissavat.
- Nerisassat asiutinnaveersaarniarlugit panertumiitikkut, taartumi nillartaatumilu.

Nerisassiorneq

- Piareersagassanik nerisassaateqaruit (assersuutigalugu qaqorteqqasut, pastat) kallerup inneranik atuinnngitsumik uunnaaveqarnissat qulakkiissavat. Assersuutigalugu grillerutaasinnaavoq imaluunniit uunnaavik, soorlu Primus imaluunniit Trangia.
- **MIANERSOQUSSUT:** Illup iluani imaluunniit inimi matoqqasumi grilli innermilluunniit ikitsinngi-saannarit, tamanna putsumik kuliltilimillu toqunartumik kinguneqarsinnaammat. Taamatuttaarlu innermik ikitsiniaruit illunut ungasittumiittariaqarpoq.

Piniarneq Aalisarnerlu

Ajornartorsiornermi piniarneq aalisarnerlu nerisassaqartitsisinnaavoq. Taamaammat piniuteqarnissaaq, imassaateqarnissaaq aalisaateqarnissarlu isumaliutigik.



NAKORSAATIT, EQQILUISAARNEQ PISARIAQARTITALLU ALLAT



Nakorsaatit ikiueqqaarnerlu

- Ikinnerpaamik ullunut tallimanut nakorsaatinik pisarialinnik peqarnissaq isumagineqassaaq - allagartaqaqqaarluni aatsaat pisassanik pisiarineqarsinnaasunillu.
- Nakorsaatinut aalajangersimasunut allagartat nutarsarnissaasa isumaginissaat aamma isumassarsiatsilaasinnaavoq, taamaalilluni Nunatta Nakorsaataasivia aqqutigalugu nakorsaatit pissarsiarisinnaallugit.
- Ikiueqqaarnermi karsimik pingaarutilinnik imalimmik peqarit soorlu:
 - Nipittartut angissutsini assigiinngitsuni.
 - Mattutit (kompressit, mattutit tasisinnaasut mattutissiat il.il.)
 - Ikinut saligutit tunillannartuiaatillu.
 - Nipaallisaatit kissarulunermullu millisitsisartut (Ibuprofen, Panodil nakorsaatilluunniit pisiarineqarsinnaasut allat).



Eqqiluissaarneq

Ikinnerpaamik ullunut tallimanut eqqiluissaarnermut atortunik peqarnissaq isumagiuk, ilanngullugit:

- Equutissiat, eqqakkanut puut saviatsillu masattut.
- Assannut tunillannartuiaatit qaqorsaatillu.
- Nalequttat tamponilluunniit.
- Kigutigissaatit, kigutitut qaqorsaatit perusuersarnermilu atortut allat.

Imerkik saqqumiinnartumik katersinissamut toqqortarinissaanullu tankeqarnissaq assersuutigalugu anartarfiit salinnissaannut aamma isumassarsiatsilaasinnaavoq. Tassunga imeq imissatut pitsaassuseqartariaqanngilaq.



Kiassarneq

Issittumi kissarneruppat imannak kiassarsinnaavutit:

- Timi oqorsitinniarlugu tæppit, qipiit atisallu oqorsaait atukkit.
- Kiassaatit allat soorlu naneruutit, gassimik ikumatitsiviit oqitsut kissarsuulluunniit petruuliutortoq atukkit.
- Imermik kissartumik immerneqarsinnaasut varmedunkinik pisinissaq eqqarsaatigiuk. Imeq kissarteq atussanngilat taanna uutitsisinnaammat.
- Kiaannarnissaa anguniarlugu inoqutigiit inimut ataatsimut katersuullugit, init mikinerit pitsaanerupput.
- Nillertinnginnissaa anguniarlugu ilagaat tæppinik asserlugit.



Naneruutit kiassaatilluunniit allat atorukkit isumagiuk:

- Qajannaatsumut ikuallassinnaanngitsumut inissinnissai.
- Saaguniit, tæppiniit allaniillu ikuallassinnaasuniit ungasillisimanissaat.



Kulitmik najuussuinissaq eqqumaffiqeqassaaq - illup iluani iluamik silaannarissarneqanngitsumi kissarsuut petruuliutortoq allaluunniit ikumatinneqarsinnaasq atunngisaannaruk.

Kiassarnissaa sulii ajornartorsiutaappat ininik kialaarfissanik kommuni aqqissuussisimanersooq misissorneqartariaqarpoq, imaluunniit sanilit ikiortisarineqarsinnaapput.

Inoqutigiit kiassaammik uuliartortumik atuippata kissarnerup inoqutigiinnut ingerlatinnissaannut innaallagiap atorineqarnissaa eqqaamasariaqarpoq. Taamaattumik inoqutigiit kiattumiitinniarlugit generatorip mikisup kiassaammilluunniit allamik peqarnissaa iluaqutaasinnaavoq.

Pisariaqartitat allat

Ajornartorsiornerni amerlanerpaani ilaqquttat atassuteqarfiginissaannut pisorlu pillugu oqartussat paasisutis-siinerinut malinnaanissamut oqarasuaat angallattagaq pisariaqartorujussuuvooq. Sarfaarunnermi oqarasuaati-vit batteriata immernissaanut powerbankimik immeriikkamik batterinilluunniit poortanik sillimmateqarit. Biilit innaallagiartortut arlalissuit 230 v-mik ikkuffeqarput ajornartorsiornermi batterinut isumalluutitut atorineqarsinnaasut.

Annertunerusumik sivisunerusumilluunniit innaallagiap qaminnerani oqarasuaatit internettilu attavilussin-naapput attaveerussinnaallutilluunniit. Taamaattumik VHF-imut, InReachimut qaammataasakkulluunniit attaveqaatinut allanut periarfissaqarnissaa isumassarsiatsialaasinnaavoq.

Iluaqutaasinnaasut allat:

- Qaammartartoq batteriillu sillimmatit.
- Naneruutit ikitsisillu/innaattaallu.
- Internettimik tunngaveqartut akiliutit (Google Pay, Apple Pay il.il.) atorineqarsinnaanngippata kortit akiliutit.
- Aningaasat (1000 kr.-it missaat aggorsimasut aningaasallu annikitsut).



Inissisimanerit immikkullu pisariaqartitatit eqqarsaatigikkit

Illit illoqatitillu assersuutigalugu naalungiarsunnut, utoqqarnut inunnulluunniit immikkut pisariaqartitsisunut suut immikkut pisariaqartinneqarnersut eqqarsaatigikkit. Imaassinnaavoq uumasuteqartutit ilaatigut neri-sassanik imermillu pisariaqartitsisunik.

AVATANGIISITIT, ASSARTUINEQ ATAATSIMOORNERLU

Ajornartorsiornermi ikiorneqarsinnaanissannut sumi najugaqarnerit apeqqutaassaaq. Immap sikoqarnera, ississusaa silarlunnerillu peqqutaallutik sumiiffiit ilai eqqungaannerusinnaapput assartuinerlu, pilersuineq oqartussaniillu ikiuinissaq sunnersinnaallugu.



Assartuineq ikiorneqarsinnaanerlu

- Assartuussutit pinngitsoorsinnaanngisatit ilisimakkitt allatullu periarfissaqarnerisq eqqarsaatigiuk.
- Biileqaruit, angallateqaruit qamuteralannilluunniit peqaruit orsussamaateqarluarnissat eqqarsaatigiuk. Puussanik akuerisanik atuinissat isumagiuk ikuallajasunillu annerpaamik 25 literimik orsussamaateqarit. Inissiami najugaqaruit ikummatissat ikuallajasut toqqortarinissaannut inissiaatileqatigiit malittarisas-saqarnerisut eqqumaffigissavat.
- Aqqutit ingerlaviusinnaanerit naliliiffiginarlugu silassaq, sikunik alapernaarsuisut upalungaarsimanik-kullu nalunaarutit malinnaaffigikkitt.
- Avinngarussimasumi najugaqaruit aamma/imaluunniit immikkut pisariaqartitsiguit sanilitit, ilaqquttatit ikinngutitilluunniit isumaqatigiissuteqarfigikkitt, pisariaqassappat assartuinermi ikiuussinnaasut.

Sanilit ikinngutit ilaqquttallu

Ajornartorsiornermi ataatsimoorneq pingaaruteqarsinnaavoq.

- Sanilitit qanigisanilu inuit ikiortariallit sianigikkitt. Eqqanniittut eqqarsaatigikkitt sapinngisamillu ikioqatigiillusi.
- Inuusuttuuguit siunnersortinneqarnissat, saammarsarneqarnissat oqaloqatigineqarnissalluunniit pisariaqartikkukku Tusaannga attavigisinnaavat. Angajoqqaajuguit ajornartorsiornermilu meeqqavit atugarissaarnerat erumassutigalugu Tusaanngamiit aamma siunnersorneqarsinnaavutit.
- Ajornartorsiornermi meeqqavit atugarissaarnerat erumassutigalugu Isumaginninnermi piareersimasumut aamma saaffiginnissinnaavutit.
- Oqarasuaat angallattagaq atorsinnaajunnaarpat allallu oqarasuaataanik atorfissaqartitsillutit oqarasuaatit normuinik pingaarutilinnik assersuutigalugu nillartaartitsivimmi allattuinnissat isumaliutigiuk.



ILIMASAARINEQ KALERRISAARINERLU

Ilimasaarut

Pinasuartunik pisoqarnerani oqartussat ilisimasaarinermi siggartaatinik upalungaarsimanermilu nalunaarutini aarlerisaaruteqarsinnaapput.

- Ilisimasaarinermut siggartaammik tusaasaqaruit isissaatit KNR-ikkullu oqartussat paasissutissiissutaannik ujartuillutit. Ilisimassavalli pingasunngornerit tamaasa nal. 12 ilisimasaarinermut siggartaat misiligarneqartarmat.
- Ilisimasaarutit allat atorsinnaajunnaarsimappata radio aqutigalugu KNR oqartussat upalungaarsimanermut nalunaarutaannik aallakaatitsissaaq.
- Sarfaaruttoornermi paasissutissanut malinnaanissamut batteriitortumik, amoortakkamik seqernulluunniit qinngornerinik ingerlasumik FM-radioqarit. Qaasuitsup killeqarfiata avannaani najugaqarnerlutit eqqarsaatigiuk qaasuitsullu unnuaata ukiup ilaani seqernup qinngornerinik atuineq sunnersinnaallugu.
- Amerlasuut ajornartorsiornermi atorineqarsinnaasunik biilini angallammiluunniit FM-radioqarput.

Kalerrisaarineq

Ambulancinik, politiinik qatserisartunilluunniit pisariaqartitsiguit 112-mut sianersinnaavutit, taakku Aasiaat Radioat suleqatigalugu ulloq unnuarlu Tusassimiit sulisoqarput. Sianernerit oqartussanut attuumassuteqartunut ingerlateqqissinnaavaat. Taakku saniatigut oqartussat uku nammineq kalerrisaarinermi normoqarput:


- **Politiit pigaartoqarfiat: 70 14 48**
- **Illoqarfinni qatserisartut: 113**
- **Issittumi Sakkutuut pigaartoqarfiat: 36 40 10**
- **Peqqinnissaqarfik: Sumiinnerit apeqqutaalluni pinasuartumik normuni 17-iusuni ataaseq.**

Sumiiffigisanni pinasuartunut normut attuumassuteqartut ilisimanissaat pingaaruteqarpoq. Inuunermut pingaarutilinnut sianersinnaaneq mattukkumanagu pinasuartumik ajornartorsiornermi normut sianerfissat kisiisa atussavatit.

Oqarasuaatikkut attaviit atorineqarsinnaanngippata VHF aqutigalugu kalerrisaarisoqarniartoqarsinnaavoq imaluunniit politeqarfimmut, qatserisarfimmut peqqinnissaqarfimmulluunniit qaninnermut nammineq takkulluni pinasuartumik ajornartoorneq suunersoq apeqqutaatillugu. Qaammataasakkut oqarasuaatinut periarfissaqaraanni normut qulaani allassimasunut sianernissamut taanna atorineqarsinnaavoq, sumiiffimmi mobilikkut attaveqaatit atorineqarsinnaassanngimmata.

Siammarterinnginninni eqqarsaqaarit

- Paasissutissanik nutaanik paasiniaanermit oqartussat pisortatigoortumik tusagassiisarfii (inuit attaveqatigiittarfii nittartagaallu) malinnaaffigikkat.
- Tusatsiaannakkanik siammarterinerit eqqunngitsumillu paasissutissiinerit pinngitsoortinniarlugit paasissutissat uppersakkat kisiisa siammartikkat. Paasissutissamik nalornissuteqaruit attaveqarfinnut siammarterinnginninni suminngaanneerpera misissoruk.



MISSUGASSAT

Misissugassat isumassarsiffigineqarsinnaasut ataani takusinnaavatit.
Misissugassat tassaapput siunnersuutit pisariaqartitanut pingaarnernut tunngasut.

Imissaq

- ☐ - ullumut unnuamullu ataatsimut inummut ataatsimut 3 literi.
- ☐ - Uumasuutitut imeq.

Nerisassat

- ☐ - Ullunut tallimanut nerisassat sivisuumik atasinnaasut ajornanngitsumillu piareersarneqarsinnaasut.
- ☐ - Aallaasit, paassat aalisaaatit.

Nakorsaatit ikiueqqaarnerlu

- ☐ - Inoqatigiinnut nakorsaatit pisariaqartut.
- ☐ - Ikiueqqaarnermi atortut

Eqqiluisaarnermut atortut

- ☐ - Equutissiat
- ☐ - Assannut tunillaannartuiaatit
- ☐ - Nangit, naleqquttat/tamponit illoqativilluunniit pisariaqartitaat allat.
- ☐ - Imermut tanki

Kiassarneq

- ☐ - Tæppit, oqorutit, atisallu oqartut
- ☐ - Varmedunki
- ☐ - Kiassaatit allat (naneruutit, ikumasartog, kiassaatit assartorneqarsinnaasut.
- ☐ - Ajornartoornermi generatori orsussarlu.

Pisariaqartitat allat

- ☐ - Powerbanki immeriigaq imaluunniit batteerit poortat assersuutigalugu oqarasuaatinnut angallattakkamut.
- ☐ - Qaammartartog
- ☐ - Batteriit
- ☐ - Akiliutit (pinkodi eqqaamallugu) aningaasallu aggorsimasut.
- ☐ - Naneruutit ikitsisillu

Immikkut pisariaqartitsisut

- ☐ - Inoqutigiit meerartaqarpat imaluunniit utoqqartaqarpat?
- ☐ - Assersuutigalugu silarluttartumi imaluunniit sikusartumi najugaqarpat?
- ☐ - Angallatigineqakulanerit atorineqarsinnaanngippata allanik angallatigisinnaasannik periarfissaqarpat?
- ☐ - Ikiuussinnaavit imaluunniit ilaqtannit, sanilinnit ikinngutinnilluunniit ikiorneqarsinnaavit?

Attaveqaqatigiinneq

- ☐ - FM-radio battereeqartog/amoortagag/seqernup qinngorinernit ingerlasog (biilit radioat).
- ☐ - Oqarasuaatit normui pingaarutillit (ilaqtat, sanilit upalungaarsimanermilu oqartussat)?
- ☐ - VHF, InReach qaammataasakkulluunniit attaveqaat alla.

UPALUNGAARSIMANERMI OQARTUSSANUT OQARASUAATIT NORMUI

Tulliuttumi kalerrisaarinnermi pinasuartumilu normut tamarmik allattorsimaneri kiisalu isumaginninnermi ikiuisartunut normut nassaarisinnaavatit naqitanngortillugit nillataartitsivimmut nivinnngarsinnaasatit.

KALERRISAARINEQ

Ambulancinik, politiinik imaluunniit qatserisartunik atorfissaqartitsiguit, 112-imut sianersinnaavutit, ulloq unnuarlu Aasiaat Radio suleqatigalugu Tusassimit sulisoqartarpoq. Sulisut aalajangersimasunut attuumassuteqartunut sianernerit ingerlateqqis-sinnaavaat. Taamaakkaluartoq pinasuartoqartillugu sianerfissat namminerisamik normui tulleriaani allassimapput:

POLITIIT PIGAARTOQARFIAT: 70 14 48

ILLOQARFINNI QATSERISARTUT: 113

ISSITTUMI SAKKUTUUT PIGAARTOQARFIAT: 36 40 10



PEQQINNISSAQARFIMMUT PINASUARNERMI NORMUT

Aasiaat – 89 22 11 Nal. 16-ip kingorna – **89 22 11**

Ilulissat – 94 32 11 Nal. 16-ip kingorna – **94 32 11**

Qaanaaq – 97 10 11 Nal. 16-ip kingorna – **94 32 11**

Maniitsoq – 81 32 11 Nal. 16-ip kingorna – **81 32 11**

Nanortalik – 61 32 11 Nal. 16-ip kingorna – **61 32 11**

Narsaq – 66 12 11 Nal. 16-ip kingorna – **66 12 11**

Nuuk – 34 41 12 Nal. 16-ip kingorna – **34 41 12**

Paamiut – 68 12 11 Nal. 16-ip kingorna – **68 12 11**

Qaqortoq – 64 22 11 Nal. 16-ip kingorna – **64 22 11**

Qasigiannugit – 91 12 11 Nal. 16-ip kingorna – **89 22 11**

Qeqertarsuaq – 92 12 11 Nal. 16-ip kingorna – **89 22 11**

Sisimiut – 86 42 11 Nal. 16-ip kingorna – **86 42 11**

Tasiilaq – 98 12 11 Nal. 16-ip kingorna – **98 12 11**

Upernavik – 96 12 11 Nal. 16-ip kingorna – **96 12 11**

Uummannaq – 95 12 11 Nal. 16-ip kingorna – **95 12 11**

Ittoqqortoormiit – 99 10 11 Nal. 16-ip kingorna – **34 47 08**

Kangaatsiaq – 89 43 00 Nal. 16-ip kingorna – **89 22 11**

Tusaannga: 80 11 80

ISUMAGINNINNERMI PIGAARTOQ

Kommuneqarfik Sermersooq

- **Nuuk: 55 57 31**
- **Paamiut: 53 22 98**
- **Tasiilaq: 59 82 20**
- **Ittoqqortoormiit: 59 91 01**
- **Qeqertarsuatsiat: 48 28 22**

Kommune Kujalleq

- **Nanortalik: 53 75 41**
- **Qaqortoq: 49 34 35**
- **Narsaq: 49 72 03**

Kommune Qeqertalik

- **Hele kommunen: 38 73 00**

Qeqqata Kommunia

- **Sisimiut: 53 01 97**
- **Maniitsoq: 48 72 00**

Avannaata Kommunia

- **Qaanaaq: 49 93 59**
- **Upernavik: 59 02 08**
- **Uummannaq: 54 95 22**
- **Ilulissat: 53 09 17**

